

# ၂ ယောဟန်

## ယောဟန်ရဲ့ ဒုတိယပေးစာ

### နိဒါန်း

ယောဟန်ရဲ့ ဒုတိယပေးစာ ဟာ ခရစ်တော် မွေးဘီးန ၅၀ န ၁၀၀ ခုနှစ်ကြားမှာ တမန်တော် ယောဟန်ဟု ရေးဟွား ဟုယ်။ ယောဟန်ဟာ သူ့ကိုယ်သူ စာရေးသူဖြစ် ဖော်ပြဘဲ န သတ်ကီးသူဖြစ် ဖော်ပြဟွားဟုယ်။ ယောဟန်ရဲ့ ဒုတိယ ပေးစာထဲဟု ရရာတိုင်း တူဟူကြောင်းရာလေဟို့ ယောဟန် ရေးဟွားဟူ ခရစ်တော်ရဲ့ ဒန်းကောင်းထဲမှာ တွဲရဟုယ်။ ရှင်းရှင်းရှစ်ရမယ် ဆိုဘီး ယေရှုရဲ့ ပညတ်ဟွားဟူဇာန ကိုယ်တော်ရဲ့ ပညတ်တော်ဟို့ လိုက်ရှော့-က်ရှင်းဟာ ယေ ရှုဟို့ ရှစ်ဟူဇာ ဖြစ်ဟုယ် ဆိုဇာဟာ တူးဒူဖြစ်ဟုယ် ဆိုဘီး လေးလေးနတ်နတ်ဟွား ဖော်ပြဟွားဟုယ် (၁.၅-၆; ယော ၁၅.၉-၁၀)။ ယောဟန်ရေးဟွားဟူ ခရစ်တော်ရဲ့ ဒန်းကော န်းန ယောဟန်ရဲ့ ပထမ၊ ဒုတိယ၊ တတိယ ပေးစာလေဟို့ ဖောက်မြို့မာ နေနေဒူးမာ ယောဟန်ရေးဟွားဟုယ် ဆိုဘီး လတ်ခံဟွားဂေဟုယ်။

ယောဟန်ဟာ အယ်ပေးစာဟို့ ဝီးကော့-က်ခံရဟူ မီးမန သူ့သားမီးလေဟို့ ရေးဟွားဟုယ်။ သူဟာ သင်းတော်တ ပါးဟို့ ရည်ညွှန်းဟွားလေဟုယ်။ အယ်ပေးစာရဲ့ ရည်ရွယ်

ချစ်ဟာ သင်းတော်ဟို့ အားပေးဟို့န ဆရာတုယောန်လေ  
အားဖြင့် လမ်းလွဲဘဲအောက် ဒိပေးဟို့တွပ် ဖြစ်ဟယ်။

### ကြောန်းရာ ကျဉ်းချောက်

၁။ ယောဟန်ဟာ အယ်ပေးစာဟို့ ဖယ်လူတွပ် ဖြစ်ဟယ်  
ဆိုဇာဟို့ ပြောရင်းန မိတ်ဆစ်ဟားဘီး ပေးစာ  
လတ်ခံရရှိဟူ လူလေဟို့ နှောက်ဆစ်ဟားဟူကြောန်း  
(၁.၁-၃)

၂။ သူဟာ သင်းတော်ဟို့ အားပေးဘီးန ကီးမြတ်ဟူ  
စေခိုင်းချစ်ဟို့ မေ့ဘဲနေအောက် ပုလန်ဘီး ဒိပေးဟား  
ဟူကြောန်း (၁.၄-၆)

၃။ သူဟာ ဆရာတုယောန်လေအားဖြင့် လမ်းလွဲဘဲ  
အောက် ဒိပေးဟားဟူကြောန်း (၁.၇-၁၁)

၄။ ယောဟန်ဟာ သူပေးစာဟို့ သူရဲ့ သင်းသားလေနား  
ဟုနေ သယ်ဆောင်လာဟူ နှောက်ဆစ်စကားလေန နိ  
ဂေါင်းချောက်ဟားဟူကြောန်း (၁.၁၂-၁၃)

<sup>1</sup> သတ်ကီးဟူ သူဖြစ်ဟူ ငါဟာ —

သမ္မာတရားအားဖြင့် ငါရှစ်ရဟူ၊ ဝီးကော့-က်ခံရဟူ၊  
ဂေါင်သရေရှိဟူ မီးမဂီးန သူရဲ့ သားမီးလေ \*နားဟို့  
စာရေးလိုက်ပါဟယ်။ နန်းနို့လေဟို့ ငါတယော့-က်ဟား  
ဘဲ ရှစ်ဟူဇာမူဘဲ သမ္မာတရားဟို့ သိဟူ သူအားလော  
င်းဟုလည်း နန်းနို့လေဟို့ ရှစ်ဂေ့ပါဟယ်။ <sup>2</sup> ဖြားဖြစ်

\* 1:1 ၁ မီးမဂီးန သူရဲ့ သားမီးလေ၊ အယ်ကြောန်းရာဟု သင်းတော်န  
သင်းဝမ်သူလေဟို့ ရည်ညွှန်းဟားဟယ် (ခန်းငယ် ၄-၅ မာလည်း)။

ကြောန့်နူးဆိုဟာ သမ္မာတရားဟာ နို့လေရဲ့ စိန်လောင်း  
မာတည်ဘီး နို့လေနတူးဒူ ကာလစဉ်ဆစ် ရှိနေဟူကြော  
န့် ဖြစ်ပါဟယ်။

<sup>3</sup> နို့လေရဲ့ ဖ ဖြစ်ဟူ ဘုရားသခင်နားဟုရော၊ ဖရဲ့  
သားတော် ယေရှုခရစ်တော်နားဟုရော ကျေးဇူးတော်၊  
ကရုဏာတော်န ငြိသတ်ရှင်းဟာ သမ္မာတရားဟို သိဘီး  
ရှင်းရှင်းရှစ်ဂေဟူ နို့လေထတ်ဟို သတ်ရော- က်ပါစေ။

### သမ္မာတရားန မြစ်တာတရားကြောန့်

<sup>4</sup> နို့လေဟာ ဖဘုရားနားမာ ပညတ်တော်ဟို ခံရဟူတိုင်း  
နန့်ရဲ့ သားမီးတချို့ဟာ သမ္မာတရားထဲမာ ကျင်လည်နေ  
ဂေရှင်းဟို ငါတို့ရဟူ ခီမာ ရရာတိုင်း ဝန်းသာရပါဟယ်။

<sup>5</sup> အယ်ကြောန့် ဂေါင်သရေရှိဟူ မီးမဂီး ခု ပညတ်တော်  
သစ်ဟို ရေးဘဲန နို့လေမာ ရင်ဂဒဲဟုရှိနေဟူ ပညတ်တော်  
တိုင်း နို့လေရှင်းရှင်း ရှစ်ရှင်းမြစ်တာ ရှိဂေဟိုတွပ် နန့်ဟို  
ငါ တိုက်တွန်းပါဟယ်။

<sup>6</sup> ရှစ်ရှင်းမြစ်တာ ဆိုဇဟာ ကိုယ်တော်ရဲ့ ပညတ်တော်  
တိုင်း သတ်ရှင်ရှော- က်လှမ်းရှင်း ဖြစ်ဟယ်။ အယ်ပညတ်  
တော်ဟု စဉ်းဟုနေဘီး နန့်နို့ကြားရဟူတိုင်း ရှစ်ရှင်းမြစ်  
တာဟို ကျင့်သောင်းရမယ် ဆိုဘီး ဆိုလိုရှင်း ဖြစ်ဟယ်။

<sup>7</sup> ပြားဖြစ်ကြောန့်နူးဆိုဟာ လူသားဖြစ်န ကြွလာတော်  
မူဟူ ယေရှုခရစ်တော်ဟို ငြင်းပယ်ဘီး လှည့်ဇားတတ်  
ဟူ လူလေဟာ အယ်လောကမာ ပေါ်လာဂေဘိ။ အယ်လူ

ဟာ လှည့်ဇားဟူ လူဖြစ်ဘီး ခရစ်တော်ဟို ဆန့်ကျင်ဟူ ခရစ်တော်ရဲ့ ရန်သူလည်း ဖြစ်ဟယ်။

<sup>8</sup> နို့လေ<sup>†</sup>ဟာ ကိုယ်ပြုစုဟူ ဇာလေဟို ပျော့-က်ပျစ်ဘဲ န စောင်လင်ဟူ ကျိုးဟို ရဟို့တွပ် နန်းနို့လေ ကိုယ့်ကိုယ် ကိုယ် ဒိပြုဘီး စောန့်ရှေး-က်ဂေပါ။

<sup>9</sup> ခရစ်တော်ရဲ့ တရားတော်နတည်ဘဲ လွန်ကြူးဟူလူ ဆိုဟာ ဘုရားသခင်ဟို ရဟု။ ခရစ်တော်ရဲ့ တရားတော် မာ တည်ဟူလူ ဆိုဟာ ဖန သားတော်ဟို ရဟယ်။

<sup>10</sup> အယ်ဒေသနာတော် ပါဘဲသူဟာ နန်းနို့နားဟို လာဟု ယ် ဆိုဟာ သူဟို နန်းနို့အီမာ လတ်ခံဂေန။ မင်္ဂလာပါ ဆို ဘီးလည်း နှောက်ဆစ်ဂေန။

<sup>11</sup> မင်္ဂလာပါ ဆိုဘီး အယ်လူဟို နှောက်ဆစ်ဟယ် ဆို ဟာ သူရဲ့ ဆိုးရောက်ဟူ ကျင့်လေန ဆစ်ဆံရာရှေး-က် ဟယ်။

### နီဂေါင်းချောက် စကားကြောန်း

<sup>12</sup> နန်းနို့ဟို ငါပြောဇာလေ ဘောင်ဂီးရှိဟူလည်းဘဲ မှန် ရယ်န စက္ကူမာရေးဘဲန နို့လေရဲ့ ဝန်းမြှော့-က်ရွှင်လန်း ရှင်း စောင်လင်ဟို့တွပ် ငါဟာ နန်းနို့လေနားဟို ငါလာဘီး နန်းနို့ မျစ်နှာရှင်းဆိုင်ဘီး တို့ဆောင်ပြောဆိုဟို့တွပ် မျှော် လင့်ဟားပါဟယ်။

<sup>13</sup> ဝီးကော့-က်ခံရဟူ နန့်ညီမရဲ့ သားမီးလေ †ဟာ နန့်

<sup>†</sup> 1:8 ၈ နို့လေ၊ တချို့ မူရင်းလတ်ရေးမူလေမာ နန်းနို့လေ၊ ဆိုဘီး ပါရှိဟယ်။ † 1:13 ၁၃ နန့်ညီမရဲ့ သားမီးလေ၊ အယ်ကြောန်းရာဟု စာရေးသူန သတ်ဆိုင်ဟူ သင်းတော်ဟို ရည်ညွှန်းဟားဟယ်။

ဟို နှောက်ဆစ်ရေပါဟယ်။

**ဓမ္မသစ်ကျမ်း ထားဝယ်ဘာသာစကား**  
**The Holy Bible in the Tavoyan language of**  
**Myanmar: ဓမ္မသစ်ကျမ်း ထားဝယ်ဘာသာစကား**

copyright © 2024 The Word for the World International

Language: (Tavoyan)

Contributor: The Word for the World International

**ထားဝယ် ဓမ္မသစ်ကျမ်း**

The New Testament in Dawei Language

The Word for the World

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-09

---

PDF generated using Haiola and XeLaTeX on 9 Jul 2025 from source files dated 9 Jul 2025

0c63f106-1001-58e4-ad11-6f62c327c4e1